

Góa Bô Iân ê A-Bú

Koan-hūi

Góa ê a-bú lâng seⁿ-chò iù-siù, iù-siù, bīn-bah pèh, ũ khi-chit. Chū sè-hàn góa tiòh jīn-ûi i siōng súi, bô lâng ē pí--tit.

A-bú chin siàu-liân tiòh chiú-kóaⁿ. Góa iáu bē tō-chè, lâu-pē tiòh giâ hê-ku-pēⁿ kòe-sin--khi. A-bú io góa kàu 3 hòe gōa, koat-tēng beh lī-khui chhù, khi Tâi-lâm in a-kū (góa ê kū-kong) ê Hân lāi-kho chín-só chò hō-sū, thàn-chiⁿ ka-kī tók-lip seng-óah. Thiaⁿ kóng A-bú pún-chiâⁿ ũ siūⁿ beh chhōa góa chò-tīn lī-khui, sī A-kong m̄ khéng. In-ūi góa ê lâu-pē sī tōa-kiáⁿ, kó seⁿ góa chit ê, góa sng sī Tân--ka ê tōa cha-bó sun, iā sī hit-chūn chhù--nih î-it ê gín-á kiáⁿ. Góa koh seⁿ-chò kó-chui tit lâng thiaⁿ, chhù--nih tãi-ke sioh-miã-miã ná pò-pòe--leh. A-kong khui-chhùi kã A-bú lâu, kóng i nã lâu tī chhù, kã góa chhiâⁿ tōa-hàn, jit-āu tiàm-bīn chài-sán beh chit-pò^a pun..i, hō i chit sī lâng m̄-bián hôan-ló chiáh-chhēng. M̄-chai siáⁿ-mih gōan-in, A-bú bô chiap-siū, chiū án-ne kã góa pà ng--leh, ka-kī lâi lī-khui. Chia^h 3 hòe gōa ê iù gín-á iáu gōng-gōng, sím-mih lóng m̄-bat, A-bú lī-khui hit-kang sī sím-mih chēng-kéng, góa ôan-chôan bô kì-tī. M̄-chai kiám ũ kã A-bú mōh tiâu-tiâu tōa siaⁿ háu, hō A-bú m̄-kam, sim-koaⁿ kiát kui kiū, kiáⁿ bē khui-kha bô? Á-sī m̄-chai pò^a hāng ê góa, bô jīm-hô hóan-èng, hō A-bú chiū án-ne chheh-sim lâi lī-khui? Góa tōa-hàn kiát-hun liáu, bat thiaⁿ A-bú kóng khí, i beh lī-khui hit chái-khí, bô lâng sio-sàng, kan-taⁿ jī-kó..a kã i tàu kōaⁿ kha-báng sàng i kàu chhia-thâu. Sioh-chēng ê jī-kó..a koh ná kiáⁿ ná lâu bák-sái. A-bú bô kóng tiòh góa, góa mā m̄-káⁿ kã i m̄ng, sui-jiân góa chin siūⁿ beh liáu-kái hit tong-sī ê chēng-hēng. Góa kiaⁿ A-bú hōe-sióng tiòh kòe-khi hit-chióng bó-á-kiáⁿ beh hun-khi, kám-chēng beh koah-lī ê bū-nāi kap sim-thiáⁿ. Góa koh khah kiaⁿ.. ê sī, bān-it nã hoat-hiān A-bú hit-sī tui góa chit-tiám-á lóng bô ià u-ì, bô pàng bē lóh ê sim-chēng, góa sī beh án-chóaⁿ biān-tùi?

A-bú lī-khui liáu-āu, góa kap A-bú tiòh khai-sí chū-siáu lī-to. Góa ē kì-tit ták tang ê kòe-nî-sī-á A-bú lóng ē lâi chhōa góa tng-khi i ê gōa-ke-chhù kòe-nî. Chit-chūn hōe-sióng--khí--lâi, góa pēng bô kám-siū tiòh gōa-kong gōa-má ê thiáⁿ-thàng, kan-taⁿ ē kì-tit ũ chiáh bē ôan ê kóe-chí. Sōaiⁿ-á, lēng-géng phāng kui bīn-tháng chhāi tī thō-kha, kù-chāi góa chiáh. Tōa-lâng nã m̄ sī bô-ēng teh choh-sit, tiòh sī kò khai-káng. Góa lóng ka-kī

cháu khi chhōe chhù-pi" ê gín -á-phōa" thit-thô. Nî chit ē kòe, A-bú chiū sàng góa tng-khi Sin-hòa A-kong A-má tau, i koh tng-khi Tâi-lâm Hân lāi-kho siōng-pan.

Góa it-tit lóng kap A-kong A-má tòa, chhù--nih iáu ũ 3 ê a-chek kap ñng ê a-kó. A-kong khi chit-keng chiam-chhia tiàm kiam bē tōng-lián chhia, seng-lí chin ka-iáh, tiàm-thâu chin bô êng. Góa 5 hòe ê sî, A-má tiòh sàng góa khi thak iù-tī-hng. Hit-sî thak i iù-tī-hng sī chin iāng-khi ê tãi-chì. Góa iáu ē kì-tit thâu chit kang khi iù-tī-hng pò-tò sī Sa"-chek..a khiâ tōng-lián-chhia chàì góa khi..ê. Hit chái-khí, góa chē tī tōng-lián-chhia ê hôai"-koai" téng, Sa"-chek..a khiâ bān-bān..ah, khiâ-kòe Sin-hòa Kok-sió, tâu-tâu-á oat tùi kok-sió āu-piah hit tiâu sió-lō jip--khi. Sió-lō siang-pêng pi"..a cheng kui chōa ê Teng-á-hoe, hoe chit-lúi chit-lúi khi kàu âng-kì-kì, chhiū" teh tùi góa chhiò. Sió-lō chīn-bôe ũ chit phiàn khòng-khoah ê khàng-tē-á, chiá"-chhiú pêng ũ chit keng khah-chá ê tōa lé-tng, iōng lāi chò iù-tī-hng ê kàu-sek. Tò-chhiú-pêng ũ chit ê su-lēng-tâi. Kàu-sek hui-siōng tōa, chit-liâu chit-liâu ê tek-í-á chit liat chit liat pài kàu cheng-chê cheng-chê. Lāu-su pun hōe góan chit lāng chit niá pèh-siak-siak ê "e-put-lóng" kap chit-ap lāh-pit. "E-put-lóng" téng-bīn siù âng-sek ê "Sin-hòa iù-tī-hng" 5 jī tōa jī. Chhù--nih bô hia"-tī-chí-mōe ê góa khòa" tiòh iù-tī-hng ũ hiah-nih chē gín-á-phōa", sim lāi chin hoa"-hí. Chiū án-ne, góa tak-kang hā hit-tiâu "e-put-lóng", iōng pín-chiam pín chit tiâu mī-se ê chhiú-kin-á hoa"-hoa"-hí-hí khi iù-tī-hng thak-chheh. Tī iù-tī-hng, lāu-su kà góan chhiū"-koa, thiàu-bú, ôe-tō, koh ũ tiàm-sim thang chiáh, ũ gín-á-phōa" thang sng, hōe góa kám-kak thak iù-tī-hng chin chhù-bī koh khòai-lòk. Hit-tang-chūn góa èng-kai sng sī chit ê bô-hōan bô-ló ê hó-miā gín-á!

Ē kì-tit iù-tī-hng beh kú-pān chit-tang chit-pái ê iū-gē-hōe ê sî, góa hōe lāu-su sóan tiòh beh chiū"-tâi piáu-ián chit-ê thiàu-bú ê chiat-bòk. A-má chin hoa"-hí, chá-chá tiòh thong-ti A-bú it-tēng ài tng-lāi chham-koan iū-gē-hōe, khòa" góa piáu-ián. Beh piáu-ián hit chit kang kui ke-hóe-á bô-êng chhih-chhih, nāu-jiat kún-kún, A-bú ká góa ôe-chong, Tōa-kó ká góa se-thâu ōa"-sa"(sa" sī tōa-kó chhin-chhiú chò.. ê). Hit niá thiàu-bú sa" sī gū-ni-sek..ê, keng-thâu 2 tiâu sè-sè tiâu ê tōa-á, kún ê āu-piah pāk chit ê "chiō-chiō", chhēng tī sin-khu hōe góa chit-sī kám-kak ka-kī bē-su chit ê kong-chú! Chhiú--nih koh giáh chit ki pèh-sek kún "leh-suh" pi" ê sè-ki hōe-sò", khòa"--khí--lāi sít-chāi ũ kàu súi koh chin kó-chui. Chhù--nih tōa-tōa sè-sè ũi tiòh góa beh piáu-ián lóng thè góa hoa"-hí, tī góa ê sin-pi" ká góa ka-iū, pí góa koh khah kín-tiu". Jīn-seng nā sī chhin-chhiū" chit

chhut tiān-ia̍", chit chit bō hō góa hiah-nih hēng-hok ê kám-kak, khek-ōe tī góa ê thau-khak té, hiah-nih chhim-khek, hiah-nih chin. Góa éng-óan kì tī sim lái, bô hoat-tō pàng bē kì--tit.

Thak sió-hak liáu-āu, hak-hāu nā hioh-jòah, A-má ũ sī ē chhōa góa khi Tâi-lâm, hō góa kap A-bú tōa--kúi--kang--á. Kū-kong tī Tâi-lâm sī chin chhut-miâ ê lái-kho i-seng, i ê hōan-chiá chin chē, chin hó-giáh. Chín-só lâu-á-chhù khí kúi-nā-chàn, chiâ" chhim-lòh, tōa-keng koh sù-sī. Kīm-pô chhià" chit ê choan-bûn teh chú-png ê ó-bá-sáng, tak kang chú hó-chiáh ê liáu-lí, hō góa chin him-siān A-bú ē-tàng tī teh hia kòe hiáng-siū ê jit-chí. A-bú tak kang tī lâu-kha bô-ēng teh ká hōan-chiá pau iòh-á chù-siā, pàng góa kó chit ê tī lâu-téng khòa" piáu-kū khòa"--kòe..ê, tún tī lâu-thui ê chấp-chì "Sió ông-chú" kap chit-kóa-á ang-á-chheh. Hiah ê chấp-chì sui-jiân lóng-sī kòe-kí..ê, m̄-kú hit chūn, chhù--nih bô chit khoán chhù-bī koh chhái-sek ê gín-á-chheh thang khòa", só-í góa tak kang khut tī lâu-thui thau piá" miā khòa", chit khòa" tiòh chit-pó kú, ũ sī khòa" kàu chin jip-bê, liân png mā bô siū" beh chiáh! M̄-kú ang-á-chheh khòa" kú mā ē ià-siān, chín-só--nih koh bô gín-á phōa" hó sng, góa tiòh khai-sí kám-kak ũ tām-pòh-á bô-liáu. Góa ē lòh-khi chhōe A-bú. A-bú tiòh ē jīm chí" hō góa khi keh-piah ê kám-á-tiām bé chhùi-chiáh-mih. Chhùi-chiáh-mih nā chiáh liáu, chheh iū-koh khòa" kàu siān--lah, góa tiòh koh cháu lòh-khi chhōe A-bú. A-bú liân-pi" tiòh tui góa sit-khi nāi-sèng, bīn-sek chin phái" khòa", tī chiòng-lâng ê bīn-chêng mē góa bô tiām-châi, bē tiā"-tiòh, hō góa kám-kak chin úi-khut bē chū-châi. Góa tiòh khai-sí khí òng-tng, chit ê bīn àu-tū-tū, sùh-sùh m̄ kóng-ōe, hō A-bú chin bô bīn-chú. A-bú tiòh kín ká góa sàng tng khi Sin-hòa.

Tī góa ê ìn-sióng--nih, chò gín-á ê sī, A-bú chhin-chhiū" m̄-bat khan-kòe góa ê chhiú, tui góa chin léng-tām, bô sim-mih chhiò-iông, m̄-bat kap góa kóng kòe bó-á-kiá" tah-sim ê òe. Góa bô kám-siū tiòh hit-chióng lâu-bú sioh kiá" ê un-jiū kap chhin-chêng, ũ..ê kan-ta" sī góa toa" hong-bīn tui i ê su-bō. Góa kap A-bú 2 lâng siong-chū ê sī, góa lóng-sī tiām-tiām tī i ê pi"..a, m̄-ká" óa kīn..i, ká i sai-nai. Chit chióng chêng-hūn kàu ta" góa iáu bô hoat-tō biān-tui kap chiap-siū, iū-gōan ē òan-thàn ũn-miā chhòng-tī..lâng, hō góan bó-á-kiá" chiâ"-chòe chit khoán koan-hē. Góa ê náu-hái lái, iáu ũ chit bō chhin-chhiū" tiān-ia̍" òe-bīn, put-sī ē phū-hiān tī gán-chêng, sī chit ê jòah-thi"sī-á, góa tú hioh sú-ká, tòe A-bú tng-khi Gōa-má tau, tī lō--nih kiá" ê chêng-kéng. Hit-kang chái-khi, lòh kòe chit chūn tōa-hō. Chháu-tē ê chiòh-thau-á-lō chōan tōa liáp sè liáp ê chiòh-thau-á

kap chit khut chit khut e lók-kô-môai-á. A-bú chò i kiáⁿ tī thâu-chêng, góa tòe tī āu-bīn, chit ē bô tiuⁿ-tī tiòh ē láp tiòh lók-kô-môai-á, nā bô, tiòh sī khi ták--tiòh chiòh-thâu-á. Góa kui lō lóng thâu-lê-lê, khòaⁿ A-bú ê kôan-tah-ê. He pí chéng-thâu-á koh khah sè khò, 2 chhùn kôan ê kiá-á, tī chiòh-thâu-á-lō téng-bīn láp--kòe, lâu-lòh chit-khang chit-khang íⁿ-íⁿ chhim-chhim ê khut-á. Góa tòe tī A-bú ê āu-piah tiām-tiām tit-tit kiáⁿ, chhiūⁿ chit ê sin-pū-á. A-bú lóng bô óa-lâi khan góa ê chhiú!

Lēng-gōa iáu-ū chit-bō góa mā it-tit kì tiâu-tiâu, án-chóaⁿ tiòh hú bē tiâu. Góa thak sió-hák gō-nī ê sī, chit ê lé-pài jít ê àm-sī, A-bú lâi sio-chhōe. A-bú beh lī-khui ê sī, góa m̄-chai cháiⁿ-iūⁿ sòa khai-sí khí hoan-soan, khòk-khòk-hoe, m̄ gōan hō A-bú lī-khui. Góa ká A-bú tâu kóng, pan--nih ū cha-pō tông-òh tiāⁿ-tiāⁿ lóng ē khi-hū..góa, góa m̄ ài khi hák-hāu--lah. Góa ná kóng ná háu, lô bē soah. Lō-bóc-chhiú, A-má khòaⁿ m̄-sī pān-sè, ūi tiòh beh ká góa an-tah, chiū tap-èng góa sūi khi chhōe tōa tī tui-bīn ê Lâm l̄ āu-su, ká i kóng, thè góa pài-kái. A-má tng--lâi, góa chiah tiām--khí. Chit-chūn siūⁿ-khí--lâi, kī-sit tông-òh chi kan pēng bô sīm-mih tãi-put-liáu ê tãi-chì, kan-taⁿ sī góa siūⁿ-khang siūⁿ-phāng teh ká A-bú sai-nai niā-niā. Chiong-kī-bóe, góa mā bô chài-tiâu ká A-bú lâu--lòh--lâi, A-bú iū-gōan tiòh ài lī-khui. Hō tông-òh khi-hū ê tãi-chì chiū án-ne soah--khì, bô lāng koh-chài thê-khí.

Góan bó-á-kiáⁿ ê chēng-hūn tiòh sī án-ne, iân-hūn chhián-pòh, it-tit bô hoat-tō pōe-ióng kám-chēng, chóng-sī pó-chhī chit-tōaⁿ kū-lī bē chhin-bit, ū tām-pòh-á chhiⁿ-sō, khiok hiat-méh sio-liām chhiat bē tng, sít-chāi sī chin bô nāi. M̄-kú sui-bóng góan 2 lāng chiah-nih bô iân, A-bú iáu sī góa sim-koaⁿ té siōng su-bō ē lāng. In-ūi siūⁿ tiòh A-bú ê éng-hióng, chū sè-hàn tiòh lip-chì beh kap A-bú kāng-khoan, chò hō-sū. Góa sīm-chì àm-tiong òng-bāng ū chit jít A-bú ē chiap góa khi kap i tōa chò-hóe, bó-á-kiáⁿ siong-i ūi-bē ng, góa tiòh bē koh hō lāng khi-hū, khòaⁿ góa bô hiān, chhiò góa sī chit ê kó-jī, sī chit ê bô pē-bú thiàⁿ-sioh ê pháiⁿ-miā gín-á.

Siūⁿ bē kàu góa sim-lāi ê òng-bāng bô jōa kú tiòh in-ūi A-bú koh kè--lāng lâi phò-chhùi. Góa sūn-chin ê gín-á sī-tāi, mā tòe teh thê-chá lâi kiát-sok. Tī góa sió-hák 6 nī-á ê sī, Hân lâi-kho ê kīm-pô khó-khng A-bú koh chài kè, chiong-lâi chiah ū óa-khò. Kīm-pô ká A-bú chò mui-lāng, chò hō chit ê bó sí, lâu 3 ê kiáⁿ ê kong-bū jîn-gōan. A-bú siūⁿ tiòh chiòng-lāng ê kó-lē, koh tham tiòh tui-hong ê ka-sè bē báí, khi kah-i tiòh hit 3 ê

seⁿ-chò pèh-bah koh súi ê gín-á(che sī A-bú āu--lâi chhin-chhùi tùi góa kóng..ê), chiū tap-èng chit-chân chhin-sū lâi kái-kè sèⁿ Chng.

Chai-iaⁿ A-bú beh kè--lâng hit chit jit ê chêng-kéng, tī góa ê kì-tī--nih iáu-kú óah-lèng-lèng, chhin-chhiūⁿ cha-hng tú hoat-seng ê tãi-chì kãng-khóan. He sī chit ê lòh mng-mng-á hō ê àm-thâu-á, Jī-chím..a khi hō i-seng khòaⁿ, ùi Tâi-lâm tng--lâi, tī tiàm-mng-kháu lòh-chhia, chit tǎh jip-mng tiòh tōa siaⁿ hoah, “Khah-chiàng, góan só..a beh kè--lâng--ah neh!” I ôe kóng kàu chia, khòaⁿ tiòh góa khiā tī piⁿ..a, sūi tiām--khi, ùi chhiú-kōaⁿ-tē-á jīm 2 liáp “iô-kàng” chhut--lâi, thèh beh hō góa chiáh. Chāi-lâi chiū chin bín-kám ê góa sim lâi í-keng chai-iaⁿ hoat-seng sím-mih tãi-chì--lah. Góa kui ê lâng ná chhiūⁿ khi hō tiān tiān--tiòh kãng-khóan, kám-kak chin gông-ngiáh, sim-koaⁿ-thâu lōan-chau-chau. Góa kā “iô-kàng” chiap kòe chhiú, kúi-pún-á chheh mōh--teh, bô kóng pòⁿ k ùi ôe, óat-thâu chò góa kiāⁿ chhut mng, bô chiáh àm-tng tiòh beh khi pǒ-sip.

Góa kiāⁿ kàu Pèh-hông in tau, beh chio i chò-tín khi. Pèh-hông iáu teh chiáh png, in a-bú tī piⁿ..a ná kā i pīⁿ thâu-mng ná kau-tài, ài ke chhēng chit niá saⁿ koh giáh hō-sòⁿ chiah thang chhut-mng. Khòaⁿ tiòh Pèh-hông chiah-nih hēng-hok, ũ A-bú thiàⁿ-sioh ê chêng-kéng, góa kám-kak sim sng-sng, móa pak ê pi-ai ná hái-éng hiông-hiông ek--kòe--lâi, kiông beh kā góa im-bòat, bák-sái tī bák-kīⁿ kō-kō-lìn, kiông beh lâu--chhut--lâi. Góa bô tán Pèh-hông chiáh pá chiū chò góa seng kiāⁿ. Góa jú kiāⁿ jú kín, kiông jím-nāi, m̄-gōan hō lō--nih ê lâng khòaⁿ tiòh góa chit-khóan khó-liân liông-pōe ê bō-iūⁿ.

Lâi kàu Má-lih in tau, sī-kan iáu chá, pǒ-sip ê kàu-sek khang-lo-so, tông-òh lóng iáu bē lâi. Góa ùi āu-bóe-mng chông--chhut--khi. Āu-piah hāng-á àm-bong-bong, sī piⁿ lóng bô lâng. Chit-sī góa ê sim í-keng chhùi, siang kha nng-kô-kô, kui sin-khu lóng bô khùi-lát. Góa the tī ũi-chhiūⁿ-á, pàng siaⁿ khai-sí háu. Hīⁿ-khang piⁿ iū-koh thōan lâi Má-lih in chit ke-hóe-á chò-tín chiáh png khòaⁿ tiān-sī khin-sang khòai-lòk ê chhiò-siaⁿ, hō góa jú siūⁿ jú pi-ai, jú siūⁿ jú m̄-gōan, jú háu jú tōa siaⁿ, sim-koaⁿ-thâu jú ká jú ân, chit chūn chit chūn teh chò-thiàⁿ. Góa giâ thâu mng thiⁿ, sī án-chóaⁿ beh án-ne tùi-thāi..góa? Góa ná ē seⁿ chò chit khóan miā, m̄-nā bô lâu-pē, lâu-bó iā bô ài tih..góa, beh pàng góa chò i khi? Hō jú lòh jú chhō, ná chhin-chhiūⁿ Thiⁿ-kong-peh..á thiaⁿ tiòh góa chòat-bāng bô-chō ê khàu-siaⁿ, teh khó-liân..góa, tòe góa bák-sái lâu bē lí. Hō-chúi tōa-tih sè-tih tih

tī góa ê bīn--nih, góa kui ê bīn tâm kô-kô, hun bê chheng sī hō-chúi á-sī bák-sái. Háu kà u bók--á, góa kui ê lâng sòa un lóh khi thô-kha.

Tông-òh chit ê chit ê lâi lah, Pèh-hông thiaⁿ tiòh góa tī gōa-bīn teh khàu ê siaⁿ, cháu chhut-lâi chhōe..góa, tãi-ke lóng tòe i cháu--chhut--lâi. In khòaⁿ góa háu kàu bák-sái lâu bák-sái tih, lóng kiaⁿ chit-ê. Pèh-hông khui-chhùi m̄ng góa sī cháiⁿ-iūⁿ ná ē teh khàu, koh khàu kàu chiah-nih chhi-chhám. Góa tit-tit iô-thâu lóng bô kã ìn. Góa sim lâi siūⁿ kóng, lín lóng ũ a-bú thiàⁿ-sioh, beh ná ē liáu-kái góa ê sim-chheng--leh? Chit chióng thiⁿ chha tē ê cho-gū in chòat-tùi bô hoat-tō thé-hōe..ê. Kòe chit-ê-á, Lím lâu-su lâi..ah, tãi-ke kín kã góa khan jip-khì kàu-sek. Lím lâu-su khòaⁿ góa háu kàu bák-chiu âng-kòng-kòng koh tit-tit chhè-khùi, chin koan-sim kiâⁿ óa lâi chē tiàm góa ê sin-piⁿ, àⁿ-thâu sè-sè siaⁿ kã góa m̄ng. Khòaⁿ góa lóng m̄ ìn, chiū giáh pit ēng siá..ê kè-siòk tui-m̄ng. Oē kóng bê chhut chhùi ê góa chí-hó siá tī chóa--nih kã Lím lâu-su kóng, “Góa ê má-mah beh kè--lâng--ah--lah, bô ài tih..góa--ah--lah!” Lím lâu-su khoaⁿ-khoaⁿ-á kã góa khòan-khng, an-ùi góa kóng, “Lâu-bú chòat-tùi bê bô ài i chhin-seⁿ ê kiáⁿ, lín má-mah it-tēng ũ i put-tek-í ê khó-thiong, chiong-lâi tán lí tōa-hàn, lí it-tēng ē liáu-kái. ” Lím lâu-su chin ũ n āi-sim, khó-khng góa chin kú, sui-jiân góa iáu sī bô hoat-tō liōng-kái A-bú, m̄-kú khòaⁿ tiòh lâu-su kap tông-òh lóng chiah-nih koan-sim..góa, góa kám-kak ka-kī pēng bô kó-toaⁿ, chiū án-ne bák-sái chhit-chhit--teh, tiām--khì, bô koh chài háu. Thēng chit-ê-á, chiū thèh iô-kàng chhut-lâi pun tãi-ke chiah, khai-sí koh ũ kóng ũ chhiò--lah. Lím lâu-su chhiò góa pìⁿ-bīn ná teh hian chheh--leh. Tah tī sim-thâu ê ớ-hùn chiū án-ne sòaⁿ--khì, liân-piⁿ pìⁿ hó-thiⁿ--lah.

Chū A-bú kái-kè liáu-āu, góa bô koh kià-bāng A-bú ài..góa, thiàⁿ-sioh..góa, koan-sim..góa. Góa chai-iaⁿ góa í-keng bô chu-keh koh chò kap A-bú thōan-îⁿ ê bí-bāng. Piáu-bīn siōng, góa ê seng-òah chin chéng-siōng, ná chhin-chhiūⁿ bô sím-mih tãi-chì hoat-seng. Sū-sit siōng, chin tng ê chit tōaⁿ sī-kan, góa ê sim lâi chin ut-chut, bīn lóng sit khi chhiò-iōng. Sūn-chin ê tông-nī chiū án-ne lí góa jú lâi jú hng--khì.

Góa sió-hák pit-giáp tit tiòh Kōan-tiúⁿ siúⁿ, tãi-piáu chōan-thé pit-giáp-seng chiūⁿ-tâi niá pit-giáp cheng-su. Chiah-nih êng-kng ê pit-giáp tián-lé, A-bú bô lâi chham-ka. Che sī góa liáu-siōng ē kàu..ê, góa pēng bô kám-kak ì-gōa, mā bô kī-thāi i ē chhut-hiân. Tī góa iù-chíⁿ ê gín-á sī-tāi, i chóng-sī khiàm-sék ê sī-chūn khah chē. M̄-kú A-bú sui-jiân lâng bô-lâi, khiok kià Kim-bí A-î tãi-thè i bé chit liáp Seko ê pió-á, thèh lâi sàng..góa.

Keng-kòe 30 gōa nî--lōh! Kàu taⁿ góa iáu ē kì-tit hit liáp pió-á ê khoán-sit: îⁿ-hêng pèh-té ê pió-á bīn, pèh-kim ê pió-á-liān. Góa hui-siōng pó-sioh hit liáp pió-á, in-ūi he sī góa thâu chit liáp pió-á. Tū-liáu sé bīn sé-ék kiaⁿ khi tú tiòh chúí bak tâm--khi, kā pak--lòh--lâi í-gōa, góa lóng kā kòa tī chhiú--nih bô lī sin. Hit liáp pió-á hō góa kám-siū tiòh A-bú tui góa ê koan-sim, ná chhin-chhiūⁿ A-bú pōe-phōaⁿ tī góa ê sin-piⁿ kāng-khóan, hō góa ê sim-koaⁿ-thâu kám-kak ke chin sio-lō, ke chiāⁿ un-lóan.

Góa ê jîn-seng chit lō kiāⁿ--kòe--lâi, sui-jiân A-bú bô pōe-phōaⁿ tī góa ê sin-piⁿ, A-bú iū-gōan sī góa siōng ài, siōng khòa-sim ê chhin-lâng. Góa beh sêng-sim chiok-hok..i, chiok i hēng-hok khòai-lòk, kòe tiòh bô-hōan bô-ló chū-chāi ê jit-chí.